

## HOOFSTUK 22: OORDE

### 1. INLEIDING

- 1.1 Die grondwet magtig 'n gebiedsbestuur om al die kommando's binne die betrokke gebied in oorde te groepeer.
- 1.2 Die gesagsveld van 'n oord is beperk tot die lede wat geregistreer is by die kommando's en veldkornetskappe los van kommando's wat onder die betrokke oord ressorteer.

### 2. ALGEMENE BEPALINGS

- 2.1 'n Oord is 'n organisasie-element op die derde bestuursvlak van *Die Voortrekkers*.
- 2.2 'n *Oordbestuur* en 'n *oorddagbestuur* is bestuursliggame.
- 2.3 'n Gebiedsbestuur groepeer kommando's binne die betrokke gebied in oorde op 'n basis waarop hy besluit.
- 2.4 Die groepering geskied op so 'n wyse dat die *gemiddelde* getal kommando's per oord vir die *gebied* ongeveer 6 tot 10 is.
- 2.5 Die betrokke gebiedsbestuur kan die groeperings te eniger tyd wysig onderhewig aan die vereistes in artikels 2.3 en 2.4 van hierdie hoofstuk.

### 3. 'N OORDBESTUUR

#### 3.1 Samestelling

- 3.1.1 'n Oordbestuur word vir elke oord saamgestel. Dit bestaan uit:
  - a) die lede van die oorddagbestuur;
  - b) die kommandoleiers in die oord onderhewig daaraan dat 'n kommando wie se kommandoleier tot die oorddagbestuur verkies word, 'n adjunkkommandoleier na die oordbestuur kan afvaardig;
  - c) veldkornette of/hoofgroepleiers van veldkornetskappe los van kommando's in die oord;
  - d) 'n oordjeugleier
  - e) offisiere van spanne los van kommando's in die oord in raadgewende hoedanigheid.
- 3.1.2 'n Kommandodagbestuur kan 'n kommandodagbestuurslid nomineer om as sekundus op 'n oordbestuursvergadering sitting te neem op koste van die oordbestuur in die plek van 'n lid van daardie kommando vir wie dit onmoontlik is om die betrokke vergadering by te woon.

#### 3.2 Konstituering

- 3.2.1 Die oordbesture konstitueer op datums soos deur die gebiedsbestuur afgekondig sodat dit na die kongres en die verkiesing van die nuwe gebiedsdagbestuur afgehandel word maar wel voor 30 Oktober van die kongresjaar.
- 3.2.2 Die oordleier word verkies deur al die geregistreerde volwasse lede in die betrokke oord soos bepaal in artikel 4.2.1 van hierdie hoofstuk.
- 3.2.3 Die oordbestuur kies die adjunkoordleiers volgens die voorskrifte in artikel 4 van hierdie hoofstuk.
- 3.2.4 Die oordjeugleier word aangewys soos in hoofstuk 5 van die reglemente bepaal.

#### 3.3 Dienstermyn

- 3.3.1 Die dienstermyn van 'n oordbestuur is vier jaar.
- 3.3.2 Die dienstermyn van die kommandoleiers wat op die oordbestuur dien, verstryk wanneer hulle termyn as kommandoleiers verstryk waarna hulle deur die nuutverkose kommandoleiers vervang word.
- 3.3.3 Die dienstermyn van die veldkornette of hoofgroepleiers van veldkornetskappe los van kommando's verstryk wanneer hulle termyn as veldkornet of hoofgroepleier verstryk waarna hulle deur die nuutverkose veldkornette of hoofgroepleiers vervang word.
- 3.3.4 Die dienstermyn van die oordjeugleier is een jaar en hy word jaarliks vervang deur die nuutverkose oordjeugleier.

#### 3.4 Vergaderings

- 3.4.1 Die adjunkoordleier [administrasie] roep alle lede wat sitting het op na vergaderings van die oordbestuur.
- 3.4.2 Die oordbestuur vergader minstens twee keer per jaar.
- 3.4.3 Die oordleier tree as voorsitter van die vergadering van die oordbestuur op.

- 3.4.4 Die adjunkoordleier [administrasie] tree as die sekretaris van die vergaderings van die oordbestuur op.
- 3.4.5 'n Gewone meerderheid van die lede van die oordbestuur vorm 'n kworum tydens 'n vergadering.
- 3.5 Magte, pligte en werksaamhede**
- 3.5.1 Die oordbestuur voer die werksaamhede uit soos bepaal in die artikels 24.2.4 en 24.2.5 van die grondwet, onderhewig daaraan dat verslae skriftelik moet wees.
- 3.5.2 Die oordbestuur hanteer aansoeke om toekennings soos in hoofstuk 11 van reglement omskryf in ooreenstemming met die magtiging wat die gebiedsbestuur aan hulle gedele-geer het.
- 3.5.3 Die oordbestuur benoem 'n afgevaardigde na die kongres.

## **4. 'N OORDDAGBESTUUR**

### **4.1 Samestelling**

Die oorddagbestuur bestaan uit:

- 4.1.1 die oordleier;
- 4.1.2 die adjunkoordleier [administrasie];
- 4.1.3 die adjunkoordleier [finansies], indien so besluit deur die oordbestuur
- 4.1.3 bykomende adjunkoordleiers soos besluit deur die oordbestuur.
- 4.1.4 'n Persoon/persone kan ook op die oorddagbestuur aangestel word, gesalarieer of nie, om 'n goed gedefinieerde taak (bv. Finansies, administrasie, ensovoorts) te vervul. Die aange-stelde persoon/persone kan in die oorddagbestuur optree met spreekreg maar nie stemreg nie. Die aanstelling van die persoon/persone raak egter nie die normale bestuursposte soos uiteengesit in die grondwet en reglemente nie. Die aangestelde persoon/persone se dienste kan te enige op 'n redelike wyse beëindig word en daar word geen tydperk van aanstelling aan gekoppel nie.

### **4.2 Verkiesing**

#### **4.2.1 Die oordleier**

- a) Die adjunkgebiedsleier [administrasie] vra nominasies aan vir 'n oordleier vanaf alle veldkornetskapsbesture en kommandobesture binne die betrokke oord. 'n Volwasse lid kan slegs genomineer word indien hy op die datum waarop nominasievorm uitgestuur word, by die betrokke gebiedskantoor geregistreer is en sy ledegeld vir daardie jaar reeds by die gebiedskantoor ontvang is. Elke nominasie moet deur die voorsitter en sekretaris van die bestuursliggaam onderteken word. Die nominasie vorm moet vergesel wees van 'n onderneming van die genomineerde dat hy bereid is om te dien indien hy verkies sou word asook 'n onlangse foto en 'n curriculum vitae van die kandidaat. Sulke nominasies moet die adjunkgebiedsleier [administrasie] bereik ten minste vier weke voor die datum waarop die nuwe oordbestuur gekon-stitueer word.
- b) Die adjunkgebiedsleier [administrasie] berei 'n stembrief voor waarop die name van die genomineerdes in alfabetiese volgorde verskyn.
- c) Die adjunkgebiedsleier [administrasie] stuur die stembrief, 'n begeleidende brief en kontrolelys soos in hoofstuk 18 artikel 18 van die reglemente ivm vertroulike posstem-ming uit.
- d) Op die keerdatum maak 'n komitee van drie lede deur die gebiedsbestuur aangewys die stembriefies oop en tel die stemme wat op elke genomineerde uitgebring is. Die kandidaat wat 'n meerderheid van stemme op hom gevestig het, is die verkose oordleier.

#### **4.2.2 Die adjunkoordleier [administrasie] en [finansies]**

- a) Die adjunkgebiedsleier [administrasie] vra vooraf nominasies vir 'n adjunkoordleier [administrasie] en [finansies] indien oordbestuur so besluit het, by die veldkornetskapsbesture en kommandobesture in die betrokke oord. Die prosedure soos uiteengesit in artikel 4.2.1 a hierbo is ook hier van toepassing.
- b) Die oordbestuur verkies die adjunkoordleier [administrasie] en [finansies] met 'n vol-strekte meerderheid van stemme soos in hoofstuk 18 van die reglemente bepaal.

#### 4.2.3 *Bykomende adjunkoordleiers*

- a) Die adjunkgebiedsleier [administrasie] vra vooraf nominasies vir ander adjunkoordleiers by die veldkornetskapse en kommandobesture in die betrokke oord. Die prosedure soos uiteengesit in artikel 4.2.1 a hierbo is ook hier van toepassing.
- b) Die oordbestuur besluit op die aantal adjunkoordeleiers nadat die nuut verkose oordleier 'n voorlegging daarvoor gemaak het. Die oordbestuur is nie verplig om 'n adjunkoordleier [finansies] aan te wys nie.
- c) Die oordbestuur verkies hierna die bykomende adjunkoordleier(s) met 'n volstreekte meerderheid van stemme soos in hoofstuk 18 van die reglemente bepaal.

#### 4.2.4 *Beperkings*

- a) 'n Lid van die oorddagbestuur mag nie vir meer as twee opeenvolgende termyne in dieselfde rang op die oorddagbestuur dien nie onderhewig daaraan dat:
  - i. vir 'n persoon wat tussentyds verkies word die volgende sal geld: indien die onverstreke tydperk die helfte of meer as die helfte van die normale dienstermyn is, dan word sodanige tydperk as 'n volle termyn gereken; indien die onverstreke gedeelte minder as die helfte van 'n normale dienstermyn is, word sodanige tydperk nie as 'n termyn gereken nie.
  - ii. Die rang van oordleier, adjunkoordleier [administrasie], adjunkoordleier [finansies] en adjunkoordleier is vier aparte range.
  - iii. in buitengewone gevalle kan die oordbestuur 'n goed gemotiveerde aansoek by die gebiedsbestuur indien dat 'n persoon vir 'n derde termyn verkiesbaar moet wees en die aansoek moet voor die aanvang van die verkiesing ingedien en goedgekeur wees.
- b) Ten minste een lid van elke geslag moet op die oorddagbestuur dien met dien verstande dat indien die enigste lid van 'n geslag se lidmaatskap van die oorddagbestuur om watter rede ookal beëindig word die werking en besluite van die oorddagbestuur nie ongeldig sal wees bloot omdat die bepalings ten opsigte van die verskillende geslagte nie nagekom kan word nie onderhewig daaraan dat die genoemde bepaling teen die volgende vergadering nagekom word.
- c) Daar mag hoogstens twee lede van enige kommandobestuur op die oorddagbestuur dien.
- d) Nominasies vir al die poste kan parallel met die nominasies vir die oordleier gedoen word onderhewig daaraan dat 'n kandidaat spesifiek vir al die verskillende poste genomineer moet word.

#### 4.2.5 *Tussentydse vakatures*

In die geval van die vulling van tussentydse vakatures wat op die oorddagbestuur mag ontstaan, kan die gebiedsbestuur die verkiesing volgens die bogenoemde bepalings van hierdie artikel of deur 'n vertroulike posstemming laat geskied. Die volgende stappe word gevolg:

- a) die adjunkgebiedsleier [administrasie] vra nominasies van persone om die vakature te vul van die bestuursliggame wat kan nomineer. Sodanige genomineerdes moet verklaar dat hulle bereid is om te dien indien hulle verkies sou word en curriculum vitae aanheg.
- b) Die adjunkgebiedsleier [administrasie] laat 'n kandidaat verkies.
- c) Indien 'n kandidaat vir adjunkoordleier nie 'n volstreekte meerderheid in die posstemming behaal nie, word 'n verdere posstemming gehou op 'n wyse soos in hoofstuk 18, artikels 16.12 tot 16.16 en artikel 18 van die reglement omskryf.

4.2.6 'n Persoon / persone kan ook op die oorddagbestuur aangestel word, gesalarieer of nie, om 'n goed gedefinieerde taak (bv. finansies, administrasie, ensovoorts) te vervul. Die aangestelde persoon / persone kan in die oorddagbestuur optree met spreekreg maar nie stemreg nie. Die aanstelling van die persoon / persone raak egter nie die normale bestuursposte soos uiteengesit in die grondwet en reglemente nie. Die aangestelde persoon / persone se dienste kan te enige op 'n redelike wyse beëindig word en daar word geen tydperk van aanstelling aan gekoppel nie.

### 4.3 **Dienstermyn**

Die dienstermyn van die oorddagbestuur is dieselfde as die termyn van die oordbestuur.

#### **4.4 Vergaderings**

- 4.4.1 Die adjunkoordleier [administrasie] roep die vergadering van die oorddagbestuur op.
- 4.4.2 Die oorddagbestuur vergader so dikwels as wat dit nodig is, maar ten minste een keer per kwartaal.
- 4.4.3 Die oordleier tree as voorsitter van die vergaderings van die oorddagbestuur op.
- 4.4.4 Die adjunkoordleier [administrasie] tree as die sekretaris van die vergaderings van die oorddagbestuur op.
- 4.4.5 'n Gewone meerderheid van die lede van die oorddagbestuur vorm 'n kworum tydens 'n vergadering.

#### **4.5 Magte, pligte en werksaamhede**

- 4.5.1 Die oorddagbestuur verrig die take soos vervat in artikel 24.3.4 van die grondwet.
- 4.5.2 Die oorddagbestuur verrig take wat deur die kongres, hoofbestuur, gebiedsbestuur en oordbestuur aan hom opdra is.
- 4.5.3 Die lede van 'n oorddagbestuur het in 'n raadgewende hoedanigheid sittingsreg op enige vergadering van 'n liggaam wat aan hom ondergeskik is.

#### **5. OORDJEUGRAAD**

Die samestelling en werkingswyse van 'n oordjeugraad word in hoofstuk 5 van die reglemente omskryf.